



Broj: 01-23-9-391/19-5  
Datum: 12.7.2019. godine

Na osnovu člana 69. stav 2. tačka a. i člana 70. stav 4. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), načelnik Općine Travnik, **d o n o s i**

## RJEŠENJE o poništenju postupka javne nabavke

- (1) Poništava se postupak javne nabavke broj 01-23-9-391/19 za javnu nabavku radova: Izvođenje radova na sanaciji i rekonstrukciji lokalnih puteva na području općine Travnik sa podjelom na tridesetišest lotova u dijelu koji se odnosi na sljedeće lotove: LOT 1 MZ Pirota, LOT 4 – MZ Ilovača, LOT 5 – MZ Gornji Dolac, LOT 7 – MZ Bojna, LOT 9 – MZ Goleš, LOT 11 – MZ Mudrike, LOT 12 – MZ Vitovlje, LOT 13 – MZ Guča Gora, LOT 14 – MZ Maline, LOT 16 – MZ Han Bila, LOT 17 – MZ Čukle, LOT 18 – MZ Mehurić, LOT 19 – MZ Zagrađe, LOT 20 – MZ Dub, LOT 21 – MZ Višnjevo, LOT 26 – MZ Karaula, LOT 27 – MZ Bijelo Bučje, iz razloga što nije dostavljena nijedna ponuda u određenom krajnjem roku u skladu sa članom 69. stav (2) tačka a) Zakona o javnim nabavkama.
- (2) Za izvršenje ovog Rješenja zadužuje se Služba za obnovu, izbjeglice, raseljena lica i stambene poslove.
- (3) Ovo Rješenje objavit će se na web-stranici Općine Travnik, shodno članu 70. stav 6. Zakona o javnim nabavkama.
- (4) Ovo Rješenje stupa na snagu danom donošenja.

## Obrazloženje

Postupak javne nabavke radova: „Izvođenje radova na sanaciji i rekonstrukciji lokalnih puteva na području općine Travnik“ sa podjelom na tridesetišest lotova, pokrenut je Rješenjem o pokretanju postupka javne nabavke broj 01-23-9-391/19 od 16.5.2019. godine. Javna nabavka provedena je putem otvorenog postupka javne nabavke.

Procijenjena vrijednost javne nabavke bez uračunatog PDV-a iznosi 612.184,78 KM, što predstavlja zbir procijenjene vrijednosti radova iz 36 lotova.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-1-3-61-3-35/19 od 23.5.2019.godine i u „Službenom glasniku BiH“ broj 36/19.

Rok za dostavljanje ponuda u skladu sa tenderskom dokumentacijom bio je 8.7.2019. godine.

Komisija za javnu nabavku imenovana je Rješenjem broj: 01-34-16-112/19 od 29.1.2019. godine te je shodno Članu 63. Zakona o javnim nabavkama BiH („Službeni glasnik BiH“ broj 39/14) izvršila javno otvaranje u roku dostavljenih ponuda.

Javnom otvaranju prisustvovao su ovlaštteni predstavnici ponuđača: „Dobojputevi“ d.d. Doboj Jug. Zapisnik o otvaranju ponuda ponuđačima je prosljeđen dana 8.7.2019. godine..

Komisija je dana 11.7.2019. godine dostavila općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije broj: 01-23-9-391/19-3, koji sadrži preporuku o poništenju dijela postupka i u kojem je konstatovano da za radove iz lotova LOT 1 MZ Pirota, LOT 4 – MZ Ilovača, LOT 5 – MZ Gornji Dolac, LOT 7 – MZ Bojna, LOT 9 – MZ Goleš, LOT 11 – MZ Mudrike, LOT 12 – MZ Vitovlje, LOT 13 – MZ Guča Gora, LOT 14 – MZ Maline, LOT 16 – MZ Han Bila, LOT 17 – MZ Čukle, LOT 18 – MZ Mehurić, LOT 19 – MZ Zagrađe, LOT 20 – MZ Dub, LOT 21 – MZ Višnjevo, LOT 26 – MZ Karaula, LOT 27 – MZ Bijelo Bučje nije pristigla ni jedna ponuda.

S tim u vezi, Komisija je, imajući u vidu član 69. stav (2) tačka a) Zakona o javnim nabavkama („Službeni glasnik BiH”, broj 39/14), preporučila rukovodiocu ugovornog organa poništenje postupka.

U postupku ocjene provedenog postupka, načelnik Općine nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

U postupku je utvrđeno da je Komisija u svemu pravilno postupila, te da je preporuka o poništenju postupka data u skladu sa Zakonom, podzakonskim i internim aktima.

Iz navedenih razloga, primjenom člana 69. stav (2) tačka a) Zakona o javnim nabavkama BiH, odlučeno je kao u dispozitivu ovog Rješenja.

#### **POUKA O PRAVNOM LIJEKU:**

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od deset dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Služba
2. Arhiva.



**N A Č E L N I K**

*Admir Hadžiemrić, dipl. ecc*